

續
文
獻
通
考

續文獻通考卷之一百五十一

皇明進士雲間王圻纂輯

謚法考 皇明臣謚下

南太常寺卿禮部侍郎穆孔暉山東堂邑人嘉靖中以講讀勞謚文簡

大學士贈少師許讚河南靈寶人進子嘉靖中以子俱請謚文簡

大學士贈太保賈詠河南臨潁人嘉靖中謚文靖
國子監祭酒魯鐸湖廣景陵人嘉靖中謚文恪

按 國朝四品文臣例無祭葬贈謚 世宗以鐸清節著聞特與之

禮部尚書贈

太子太保溫仁和四川華陽人嘉靖中謚

文恪

吏部尚書

太子太保羅欽順江西泰和人嘉靖中謚文

莊

大學士贈太保費宏江西鉛山人嘉靖中謚文憲

大學士贈太保楊一清字應寧雲南安寧州人嘉靖九年

謚文襄

大學士贈太傅桂萼江西安仁人嘉靖十年謚文襄

大學士贈太保方獻夫廣東南海人嘉靖中謚文康

大學士贈太保顧鼎臣直隸崑山人嘉靖中謚文康

南禮部侍郎贈尚書崔銑河南安陽人嘉靖中謚文敏

戶部尚書贈 太子少保李廷相山東濮州人嘉靖中謚

文敏

禮部尚書贈 太子太保霍韜廣東南海人嘉靖中謚文

敏

詹事府詹事贈禮部侍郎陸深直隸上海人嘉靖中謚文

裕

禮部尚書費宋江西沿山人嘉靖中謚文通

時給事中趙鉞言宋與總兵郤永數經論列不宜錫謚
奉 旨謚法原有美惡今後所司定擬務合公論

南禮部尚書贈 太子少保黃珣浙江餘姚人嘉靖中謚

文僖

南禮部尚書顧清直隸華亭人嘉靖中謚文僖

兵部尚書贈少保陶琰山西絳州人嘉靖中謚恭介

南吏部右侍郎贈南禮部尚書林文俊福建莆田人嘉靖中謚文修

大學士贈少保石瑤字邦彥直隸藁城人嘉靖中謚文隱
隆慶中以卹錄例改謚文介

左都督贈太保梁震陝西榆林衛人嘉靖中以征西功謚

武壯

一作河南
新野人

撫寧侯贈太傅朱麒河南夏邑人嘉靖中謚武莊

豐城侯贈太傅李旻直隸和州人嘉靖中謚武襄

安遠侯贈太保柳珣直隸懷遠人嘉靖中謚武襄

山西西路叅將贈右都督張世忠嘉靖中以虜戰陣亡謚忠愍

兵部尚書贈少保胡世寧字永清浙江仁和人嘉靖九年謚端敏

吏部尚書贈太子太保周用直隸吳江人嘉靖中謚恭肅

刑部侍郎贈刑部尚書林鶚字一鶚浙江太平人嘉靖中補謚恭肅

太常寺卿贈禮部侍郎魏校直隸崑山人嘉靖中謚恭簡
吏部侍郎贈工部尚書歐陽鐸江西泰和人嘉靖中謚恭簡

南工部尚書贈 太子少保洪遠直隸歙縣人嘉靖中謚

恭靖

吏部尚書贈少保王瓊山西太原人嘉靖中謚恭襄

襄城伯贈 太子少保李全禮直隸和州人嘉靖中謚恭

敏

掌太醫院事 太子太保禮部尚書贈少保許紳太醫院

籍嘉靖中其妻援洪鼎蔣用文例請謚恭僖

黔國公贈太保沐朝輔直隸定遠人嘉靖中謚恭僖

左布政使徐樾嘉靖三十年爲叛寇邵鑑所殺贈官祭葬

謚

戶部尚書贈 太子少保鄒文盛公安人嘉靖中謚莊簡

遼東守備王相嘉靖三十一年北虜寇前屯至寧遠戰死

贈謚

禮部尚書

太子太保李浩山西曲沃人嘉靖中謚莊簡

兵部尚書贈少傅劉天和湖廣麻城人嘉靖中謚莊襄

工部尚書贈

太子少保趙璜江西安福人嘉靖中謚莊

靖

左都御史贈

太子少保吏部尚書宋景江西奉新人嘉

靖中謚莊靖

兵部左侍郎贈兵部尚書陶諧浙江會稽人嘉靖中卒隆

慶初以卹錄例賜謚莊敏

南戶部尚書贈

太子太保許誥河南靈寶人進子嘉靖

中謚莊敏

大學士贈太保楊廷和字介夫四川新都人嘉靖中卒隆

慶初以卹錄例謚文忠

兩廣右都御史兼兵部尚書潘鑑直隸婺源人嘉靖中謚

襄毅

實錄作襄敏

刑部尚書贈太子少保高友璣浙江樂清人嘉靖中謚

襄簡

實錄作恭簡

南戶部尚書贈太子太保周金直隸武進人嘉靖中謚

襄敏

左副都御史贈戶部侍郎唐澤直隸歙縣人嘉靖中以子

請追謚襄敏

兵部尚書贈少保王憲山東東平州人嘉靖中謚康毅

南工部尚書贈太子少保崔文奎山東新泰人嘉靖中

謚康簡

兵部尚書贈少保李承勛字立卿湖廣嘉魚人嘉靖中謚

康惠

刑部尚書贈太子太保楊志學湖廣長沙人嘉靖中謚

康惠

刑部尚書贈太子太保趙鑑山東壽光人嘉靖中謚康

敏

太僕寺卿贈右都御史邵鉞浙江仁和人嘉靖中謚康僖

南刑部尚書贈太子少保周倫直隸崑山人嘉靖中謚

續文獻通考

卷之三百五

康僖

駙馬贈太保蔡震嘉靖中謚康僖

吏部尚書贈少傅廖紀直隸東光人嘉靖中謚僖靖

副都御史贈右都御史周季麟江西寧州人嘉靖中謚僖
敏

刑部尚書贈太子少保聶賢四川長壽人嘉靖中謚榮
襄

孝烈皇后父安平侯贈太保方銳應天江寧人嘉靖中謚
榮靖

會昌侯孫杲山東鄒平人嘉靖中謚榮僖

定國公徐光祚直隸臨淮人嘉靖初謚榮僖

吏部尚書贈少保汪鉉直隸婺源人嘉靖中謚榮和

成國公贈太保朱鳳直隸懷遠人嘉靖中謚榮康

工部尚書贈太子少保章拯浙江蘭谿人懋姪嘉靖中

謚恭惠

禮部尚書贈太子太保孫承恩直隸華亭人嘉靖末謚

文簡

南禮部尚書贈太子少保孫陞浙江餘姚人熒子嘉靖

末謚文恪

禮部尚書贈太子少保歐陽德江西泰和人嘉靖末謚

文莊

吏部尚書贈少保唐龍浙江蘭谿人嘉靖末謚文襄

龍在吏部 世宗謂其稱老忘君褫職爲民出都門遂
卒後數年子汝楫疏明不欺故有是 賜

大學士翟鑾山東諸城人初削職嘉靖末以子生員汝忠
奏 賜謚文懿

大學士贈少師袁煒浙江慈谿人嘉靖末謚文榮
平江伯贈太傅陳圭直隸合肥人嘉靖末謚武襄

掌錦衣衛事左都督贈忠誠伯陸炳浙江平湖人嘉靖末
謚武惠

炳以父松從龍起自校尉及 駕幸承天時出 世宗
于火厄遂得寵終其身然嘉靖中屢起大獄炳保護縉
紳多所全活故無有發其奸者至隆慶中言官論劾亦

止禱其子繹緒官籍其家

工部尚書贈 太子太保劉麟江西安仁籍南京廣洋衛人僑居長興嘉靖末謚清惠

南吏部尚書贈 太子少保張潤山西臨汾人嘉靖末謚恭肅

南兵部尚書贈 太子少保屠楷廣西臨桂人嘉靖末謚恭肅

南兵部尚書贈 太子少保韓邦奇陝西朝邑人嘉靖末以地震卒謚恭簡

工部尚書贈 太子太保蔣瑤浙江歸安人嘉靖末謚恭肅

兵部尚書贈少保江東山東朝城人嘉靖末謚恭襄

吏部尚書贈少保聞淵浙江鄞縣人嘉靖末謚莊簡

左都御史贈太子太保周延江西吉水人嘉靖末謚簡

肅

左都御史贈少保屠僑浙江鄞縣人鏞姪嘉靖末謚簡肅

兵部尚書贈太子少保王邦瑞河南宜陽人嘉靖末謚

襄毅

戶部尚書贈太子少保馬森福建閩縣人嘉靖中謚恭

敏

右都御史贈太子少保張岳福建惠安人嘉靖末謚

惠

兵部侍郎贈工部尚書張珩山西石州人嘉靖末謚襄敏
兵部尚書贈少保王以旂應天江寧人嘉靖末謚襄敏
禮部尚書顧可學直隸無錫人嘉靖末謚榮僖

初可學以叅議病免嚴嵩薦其能煉秋石却老得起歷
位宗伯隆慶改元褫其官削謚

南工部尚書贈 太子少保王鈺浙江奉化人嘉靖末謚
恭簡

兵部員外贈太常少卿楊繼盛直隸容城人嘉靖末以劾
嚴嵩死西市隆慶年以卹錄例追謚忠愍

楊忠愍劾嚴嵩疏情詞憤激至今猶有生氣獨疏末有
石問二王一語嵩黨深文羅織致激 聖怒竟死西市

惜哉

吏部尚書贈少保熊浹江西南昌人嘉靖中卒隆慶初謚
恭肅 浹以諫箕仙削籍故卒後十三年始復官 贈
謚

南吏部侍郎贈禮部尚書羅玘江西南城人嘉靖年以不
應宸濠聘謚文肅

太學士贈太傅謝遷字于喬浙江餘姚人嘉靖年謚文正
南祭酒贈禮部侍郎陳敬宗字光世浙江慈谿人嘉靖年
以玄孫志學陳乞追謚文定

南工部侍郎贈禮部尚書黃孔昭字世顯浙江黃巖人嘉
靖年謚文毅

修撰贈左諭德羅倫字彝正江西永豐人嘉靖年謚文毅
修撰歷知府贈太常寺卿岳正字秀吉順天淳縣人嘉靖
年謚文肅

大學士贈太傅王鏊直隸吳縣人嘉靖年謚文恪

南兵部尚書贈太子太保劉龍山西襄垣人嘉靖年謚

文安

禮部尚書贈太子太保李傑直隸常熟人嘉靖年謚文
安

大學士贈太傅李時直隸任丘人嘉靖年謚文康

吏部侍郎徐縉直隸吳縣人嘉靖年謚文敏

南吏部侍郎儲璫直隸泰州人嘉靖年謚文懿
一作儲

璿字靜夫浙江海寧人

南禮部尚書贈太子少保江瀾浙江仁和人嘉靖年謚

文昭

大學士贈少保張治湖廣茶陵人嘉靖年謚文隱隆慶中以湖廣撫按奏改文毅

時世宗尚玄修輔臣悉供玄撰治殊不自得邑邑以卒世宗不悅詔加中謚隆慶改元始更今謚

都督同知劉文嘉靖年謚武襄

都督王効嘉靖年謚武襄

副總兵贈都督同知林椿死俺答之難嘉靖二十八年謚忠勇

副總兵贈都督同知黑春嘉靖年謚忠勇

總兵贈左都督少保殷尚賓嘉靖年謚忠勇

征西前將軍贈左都督張達死俺答之難嘉靖二十八年

謚忠剛

叅將贈都督同知宗禮嘉靖年謚忠壯

副總兵贈都督趙傾葵嘉靖年謚忠壯

都指揮僉事贈都督同知郭都嘉靖年謚忠壯

副總兵贈都督同知張紘嘉靖年謚忠壯

都指揮使贈都督李彬嘉靖年謚忠愍

副總兵贈都督李梅嘉靖年謚忠愍

左都督贈少保李深嘉靖年謚忠愍

南兵部尚書贈少保秦金直隸無錫人嘉靖年謚端敏

南吏部尚書贈太子太保孫需江西德興人嘉靖年謚

清簡

都指揮贈都督同知丁碧嘉靖年謚節愍

都督同知贈左都督李啟光嘉靖年謚節愍

都督僉事贈右都督李桂嘉靖年謚毅勇

南吏部尚書贈太子太保朱希周直隸崑山人嘉靖年

謚恭靖 以避父名不用文

左都御史贈少保王璟山東沂州人嘉靖年謚恭靖

副都御史范鏞直隸華亭人嘉靖年謚恭襄

興府左長史贈太子少保禮部尚書文淵閣大學士張

景明嘉靖年謚恭僖

右都御史贈 太子太保俞諱 浙江桐廬人嘉靖年謚莊
襄

刑部尚書韓邦問湖廣襄陽衛人嘉靖年謚莊僖

新寧伯譚佑直隸清河人嘉靖初以父吳京營謚莊僖

東寧伯贈 太子太保焦棟山後人嘉靖年謚莊僖

南工部尚書贈 太子少保黃珂四川遂寧人嘉靖年謚
簡肅

南刑部尚書方良永福建莆田人嘉靖年謚簡肅

戶部侍郎鄒守愚福建莆田人嘉靖年謚襄惠

黔國公贈太師沐紹勛直隸定遠人嘉靖年謚敏靖

刑部侍郎贈尚書胡紹江西鄱陽人嘉靖年謚康簡

宣城伯贈大傅衛鐸直隸華亭人嘉靖年謚康靖

工部尚書贈少保朴廷楊福建閩縣人瀚子嘉靖年謚康
懿

右都御史贈刑部尚書周季鳳江西寧州人嘉靖年謚康
惠

南兵部尚書贈太子太保李充嗣四川內江人嘉靖年
謚康和

南戶部尚書贈太子太保王承裕陝西三原人恕之子
嘉部年謚康僖

崇信伯費忭直隸定遠人嘉靖年謚康僖

南和伯方壽祥直隸全椒人嘉靖年謚康順

贈都督僉事馮恩嘉靖年謚莊愍

都督同知贈少保左都督岳懋嘉靖年謚壯愍

伏羌伯贈太傅毛銳陝西涼州人嘉靖年謚威襄

駙馬都尉京山侯崔元山西代州人嘉靖年謚榮泰元

以奉符迎立功故贈典獨隆史稱國壻封侯不以軍功

自元始

禮部尚書贈太子太保盛端明廣東饒平人嘉靖年謚

榮簡隆慶元年以其方術致榮顯追奪贈謚

南刑部尚書翁溥浙江諸暨人嘉靖年謚榮靖

孝靜皇后父慶陽伯夏儒應天上元人嘉靖年謚榮靖

戶部尚書贈少保孫交湖廣鍾祥人嘉靖年謚榮僖

孝潔皇后父泰和伯贈太子太保陳萬言直隸元城人

嘉靖年謚榮僖

英國公贈太保張崙河南祥符人嘉靖年謚榮和

都督同知邵永嘉靖年謚隱懷

新建伯贈新建侯王守仁字伯安浙江餘姚人隆慶初以

卹錄例追謚文成

太學士贈少師蔣冕廣西全州人隆慶初以卹錄例追謚

文定

吏部侍郎贈禮部尚書王道山山東武城人隆慶初謚文定
南兵部尚書贈太子少保湛若水廣東增城人隆慶初

謚文簡

贊善贈光祿寺少卿羅洪先字達夫江西吉水人隆慶初以卹錄例追謚文恭

禮部尚書贈太子少保汪俊江西弋陽人隆慶初以卹錄例追謚文莊

南祭酒贈禮部侍郎鄒守益江西安福人隆慶初追謚文莊

南禮部侍郎贈禮部尚書陳陞浙江餘姚人隆慶初謚文僖

南京右都御史贈工部尚書何塘河南懷慶衛人隆慶年以給事王治奏謚文定

南禮部侍郎贈禮部尚書呂柟字仲木陝西高陵人隆慶
年以卹錄例追謚文簡

南工部侍郎贈禮部尚書何孟春湖廣郴州人隆慶初以
卹錄例追謚文簡

吏部侍郎贈禮部尚書董玘浙江會稽人隆慶初以卹錄
例追謚文簡

太僕寺卿贈副都御史楊最四川射洪人隆慶初以卹錄
例追謚忠節

總兵贈少保左都督李沐隆慶初謚忠愍

左都督贈少保王治道隆慶初以遼東戡亡謚忠愍

刑部左侍郎贈尚書劉王江西安福人嘉靖中以大獄罷

官隆慶初追謚端毅

刑部尚書贈 太子少保鄭曉浙江海鹽人隆慶初謚端簡

兵部侍郎贈尚書商大節湖廣鍾祥人以劾仇鸞寃獄隆慶初以卹錄例追謚端愍

兵部尚書贈少保聶豹江西永豐人隆慶初追謚貞襄
刑部尚書贈 太子少保林俊福建莆田人隆慶初以卹錄例追謚貞肅

南工部尚書贈 太子少保吳廷舉廣西蒼梧人隆慶初以卹錄例謚清惠

副都御史贈兵部侍郎孫繼魯雲南人隆慶初以卹錄例
續文獻通考卷之百五

追謚清愍

吏部尚書贈少傅喬宇山西樂平人隆慶初以卹錄例追

謚莊簡

南戶部尚書贈太子少保徐問直隸武進人隆慶初以

卹錄例追謚莊裕

兵部侍郎贈尚書楊守謙湖廣長沙人嘉靖中以勤王逗

留棄市隆慶初以卹錄例追謚恪愍

兵部尚書贈少保彭澤湖廣長沙人隆慶初以卹錄例追

謚襄毅

兵部侍郎贈尚書曾銑浙江黃巖人嘉靖中以復河套啟

邊釁棄市隆慶初以卹錄例追謚襄愍

駙馬鄒景和直隸崑山人寄籍錦衣衛隆慶初謚榮簡

世宗時奉 旨入直會當撰文景和辭以不諳玄理

上心不悅尋以疏中有褻屍語爲不祥坐怨訕削職爲

民至隆慶中始復爵 賜謚

少詹事贈禮部侍郎黃佐廣東香山人隆慶中以撫按奏

追謚文裕

禮部左侍郎贈禮部尚書瞿景淳直隸常熟人隆慶中謚

文懿

吏部尚書贈 太子少保胡松直隸滁州人隆慶中謚莊

肅

大學士夏言江西貴溪人隆慶中以孫朝輔奏賜謚文愍

南刑部右侍郎贈刑部尚書曾鈞江西進賢人隆慶中謚
恭肅

兵部尚書贈太子太保趙炳然四川劍州人隆慶中謚
恭襄

兵部尚書贈太子少保翁萬達廣東揭陽人晚暢達情
一時談兵者無出其右嘉靖末以嚴嵩嫌孽罷官憂懼
而卒隆慶中追謚襄敏

南禮部侍郎贈尚書劉瑞四川內江人隆慶年謚文肅

南工部左侍郎贈禮部尚書程文德浙江永康人隆慶年
謚文恭

文德初論汪鋹調外後以撰玄不稱 旨調南京上疏

勸養安靜和平之福 世宗怒爲謗訕削籍爲民故卒
後數年始得贈謚 信史曰程公以理學自任足稱儒
者而僥選玄文狼狽罷歸孰若見幾而作之高哉

左都督贈太傅周尚文陝西西安衛人隆慶年以征西功
用卹錄例追謚武襄

副都御史贈戶部侍郎朱蒙直隸沙河人隆慶年謚端簡
戶部尚書贈太子太保梁林順天府太城縣人嘉靖中
卒隆慶年以卹錄例追謚端肅

副都御史贈工部侍郎婁志德河南項城人隆慶年謚莊
肅

兵部尚書贈太保王廷相河南儀封人隆慶初追謚肅愍

鎮遠侯顧璘墓且隸江都人隆慶中謚榮僖

左都御史贈 太子少保張永明浙江烏程人隆慶年謚
莊僖

兵部尚書許論河南靈寶人進士隆慶年謚恭襄

南兵部尚書贈 太子少保潘綬南直隸婺源人隆慶年
謚簡肅

南兵部尚書贈 太子太保李遂江西豐城人隆慶年謚
襄毅

大學士張居正湖廣荊州人萬曆十年謚文忠

本朝

大學士贈太師徐階直隸華亭人萬曆年謚文貞

大學士贈 太子太保高儀浙江錢塘人萬曆年謚文端

禮部尚書贈太保吳山江西高安人萬曆年謚文端

太學士贈少保趙貞吉四川內江人萬曆年謚文肅

吏部侍郎贈禮部尚書丁士美直隸清河人萬曆年謚文恪

吏部侍郎贈禮部尚書陶大臨浙江會稽人諸子萬曆年

謚文僖

大學士贈太傅李春芳直隸興化人萬曆年謚文定

南兵部尚書贈太子少保劉宗湖廣麻城人萬曆年謚

端肅

南刑部尚書贈太子少保林雲同福建莆田人萬曆年

謚端簡

右都御史贈少保顧佐河南太康人萬曆年謚端肅

南吏部尚書贈太子少保吳嶽山東汶上人萬曆年謚

介肅

左都御史贈太子少保潘思字子仁直隸上海人萬曆

年謚恭定

成國公贈定襄王朱希忠直隸懷遠人希孝兄萬曆年謚

恭靖都督贈太傅朱希孝萬曆年謚忠禧

南吏部尚書贈太子少保王學夔江西安福人萬曆年

謚莊簡

大學士贈太保呂調陽廣西臨桂人萬曆年謚文簡

戶部尚書贈太子少保方純湖廣巴陵人萬曆年謚簡

補

南刑部尚書陳壽遼東寧遠衛人萬曆年謚簡襄

吏部尚書贈太師楊博山西蒲州人萬曆年謚襄毅

兵部尚書贈太子太保譚綸江西宜黃人萬曆年謚襄

敏

工部尚書贈太子太保宋禮河南永寧人萬曆年謚康

惠

吏部右侍郎贈禮部尚書諸大綬字端甫浙江山陰人萬

曆年謚文懿

南刑部尚書贈太子少保黃光昇福建晉江人萬曆中

謚恭肅

大學士贈太師張四維山西蒲州人萬曆中謚文毅
太學士贈少保馬自強陝西同州人萬曆年謚文莊

修撰贈左諭德舒芬字國裳萬曆中謚文節

南京都察院左都御史贈太子少保海瑞廣東瓊州人

萬曆中謚忠介

資德大夫正治上卿南京刑部尚書孫植字斯立浙江平

湖人萬曆中謚簡肅

大學士贈少保嚴訥直隸常熟人萬曆年謚文靖

掌詹事府吏部左侍郎贈禮部尚書周子義直隸無錫人

萬曆中謚文恪

禮部尚書贈太子少保萬士和直隸宜興人萬曆年謚

文恭

大學士贈太保余有丁浙江鄞縣人萬曆中謚文敏

左都御史王廷四川南充人萬曆中謚恭節

大學士贈太保殷士儋山東歷城人萬曆初年謚文通十

八年以子陳乞改謚文莊

大學士贈太傅呂本浙江餘姚人萬曆年謚文安

大學士贈太傅陳以勤四川南充人萬曆中謚文端

兵部尚書贈太子少保石茂華山東益都人萬曆中謚

恭襄

刑部尚書贈太子少保王用汲福建晉江人萬曆中謚

忠肅

彰武伯贈太保楊炳直隸六安人萬曆中謚恭襄

左都御史贈太子少保陳瓚河間獻縣人萬曆中謚簡

肅

禮部尚書羅萬化子一甫浙江會稽人萬曆二十三年謚

文懿

國子監祭酒蔡清字介夫福建晉江人萬曆十三年從官

官請謚文莊

南禮部尚書林廷機福建閩縣人萬曆年謚文僖

南禮部尚書林漣福建閩縣人萬曆年謚文恪

刑部左侍郎鄭世威福建長樂人萬曆年謚恭介

刑部尚書丘樞山東諸城人萬曆年謚簡肅

南吏部尚書袁洪愈直隸長洲人萬曆年謚安節

大學士贈少保陳于陞四川南充人文端公以勤之子萬曆二十五年謚文憲

大學士許國直隸歙縣人萬曆中謚文穆

工部尚書衷貞吉江西南昌人萬曆中謚簡肅

吏部尚書陸光祖浙江平湖人萬曆中謚莊簡

吏部尚書孫鑰浙江餘姚人萬曆中謚清簡

大學士趙志皋浙江蘭溪人萬曆二十九年謚文懿

南京右都御史王樵鎮江金壇人萬曆二十九年謚恭簡

耿定向黃安人萬曆年謚襄

簡

先聖先賢先儒謚

春秋

孔子名丘字仲尼其先宋人生魯昌平鄉陬邑仕魯宰中都歷官司空大司寇攝行相事卒之年魯哀公誅曰尼父鄭玄曰尼父者因其字以爲之謚 漢元始元年追謚褒成宣尼公 元魏太和十六年謚文聖尼父 唐貞觀十一年尊爲宣尼父 開元二十七年追謚文宣王 宋大中祥符元年加謚玄聖文宣王五年以玄字犯聖祖諱改謚至聖文宣王 西夏李仁孝天慶五年尊爲文宣帝 元大德十一年加號大成至聖文宣王 皇明嘉靖九年十一月大學士張璁奏奉 欽定改

祀典十年禮部勘合通行欽遵自兩京國子監及天下
儒學凡文廟俱撤塑像止用木主先師去大成至聖文
宣王封號題稱至聖先師孔子配享從祀去公侯伯封
號四配題稱復聖顏子宗聖曾子述聖子思子亞聖孟
子十哲兩廡門弟子題稱先賢某子左丘明以下題稱
先儒某氏凡神位改稱之位大成殿額改先師廟戟門
稱文廟之門遵復國初舊制器國子監用十邊十豆
天下學用八邊八豆樂舞通用六佾其四配邊豆六哲
廡四仍舊祝文中改惟王爲惟師樂章中改宣聖爲孔
聖惟王爲惟師聖王爲聖師餘文仍舊兩廡從祀內申
黨卽申振去申黨止存申振一位公伯察秦冉顏何荀

况戴聖劉向賈逵馬融何休王肅王弼杜預吳澄十三人俱罷祀林放遽瑗鄭衆盧植鄭玄服虔范甯七人各祀于其鄉外后蒼王通歐陽修胡瑗陸九淵五人俱增入從祀

顏無繇顏子之父元文宗至順三年追封杞國公謚文裕

宋

周子名惇頤字茂叔道州營道人號濂溪先生以舅曆仕終知南康軍寧宗嘉定九年因漳州連判魏了翁請謚元

程伯子名顥字伯淳河南人號明道先生以進士仕宗正丞嘉定十三年謚純 程叔子名頤字正叔號伊川先

生以薦舉仕直秘閣嘉定十三年謚正

張子名載字子厚長安人號橫渠先生以進士仕崇文院校書嘉定十四年謚明

初張載之門人欲私謚載程子以書問司馬溫公公答曰承問及張子厚謚舍卒奉對以漢魏以來此類甚多無不可者退而思之有所未盡竊惟子厚平生用心欲率令今世之人復三代之禮者也漢魏以下益不足法郊特牲曰古者生無爵死無謚爵謂大夫以上也檀弓記禮所由失以爲士之有誄自縣責父始子厚官比諸侯之大夫則已貴宜有謚矣然曾子問曰賤不誄貴幼不誄長禮也惟天子稱矢以誄之諸侯相誄猶爲非禮

况弟子而誅其師乎孔子之沒哀公誅之不聞弟子復爲之謚也君子愛人以禮今關中諸君欲謚子厚而不合于古禮非子厚之志與其以陳文範陶靖節王文中子孟貞曜爲比曷若以孔子爲比乎

邵子名雍字堯夫河南人熙寧十年贈秘書省著作郎元祐中謚康節

楊時字中立南劍將樂人號龜山先生熙寧九年進士後以薦舉仕龍圖閣直學士紹興中謚文靖

胡安國字康侯崇安人號武夷先生官至中書舍人謚文定

羅從彥字仲素劔南人號豫章先生淳祐間謚文質

李侗字愿中南劍州劍浦人號延平先生淳祐間謚文靖
朱子名熹字仲晦徽州婺源人號晦菴又號紫陽以進士
仕華文閣待制初謚文忠嘉定二年改謚文

張栻字敬夫廣漢人浚之子號南軒先生以廕仕右文殿
修撰嘉定七年謚宣 衛涇疏曰臣竊惟聖明加惠臣

下生有爵秩沒有易名至于勲德節義聲實彰著不以
官品亦特命謚其趙德立因雖無官爵聽所屬奏賜如
邵康節之在元祐徐孝節之在政和官不過學校而特
得賜謚者以其學術重于時孝行推于鄉道尊德隆貴
視品秩所以崇儒學獎操行勵風俗也臣竊見故承事
郎右文殿修撰張栻魏國忠獻公浚之子師事南嶽胡

氏盡傳伊洛之秘遂以其道鳴于西南著書立言開迪
後進四方士子皆宗師之至今尊其道德相與私號爲
南軒先生官未及謚其家既不敢自請門人弟子又無
通顯于朝者爲之請士論堦鬱三十餘年臣愚謂宜下
太常考其行錫以美名使天下後世知儒學節義之貴
過于品秩於以激勵誠非小補

呂祖謙字伯恭金華人夷簡五世孫號東萊先生以進士
官著作郎兼國史院編修嘉定八年謚成

蔡元定字季通建陽人號西山先生贈迪功郎謚文節

陸九齡字子壽撫州金谿人號校山先生以進士官全州
教授寶慶二年特贈朝奉郎直秘閣謚文達 陸九淵

字子靜九齡弟號象山先生以進士官將作監謚文安
真德秀字景希浦城人號西山先生以進士官資政殿學
士提舉萬壽觀兼侍讀贈銀青光祿大夫謚文忠

魏了翁字華父邛州蒲江人理宗賜第宅於蘇州遂爲長
洲人講學臨邛白鶴山下號鶴山先生以進士官資政
殿學士通奉大夫贈太師秦國公謚文靖

劉燾字晦伯建陽人號雲莊以進士官權工部尚書兼太
子右庶子光祿大夫謚文簡

李燾字敬子南康建昌人號弘齋以進士官直秘閣贈直
華文閣謚文定

黃幹字直卿閩縣人號勉齋贈朝奉郎謚文肅

蔡沉字仲默元定子號九峰謚文正

何基字子泰金華人謚文定

王柏字會之金華人自號魯齋德祐間謚文憲

袁燮字和叔鄞縣人官寶文閣學士謚正獻

楊簡字敬仲慈谿人官寶謨閣學士謚文元

舒燁字元質一字元賓奉化人官宜州通判謚文靖

沈煥字叔晦定海人官舒州通判贈直華文閣謚端憲

元

金履祥字吉父蘭溪人自號仁山魯齋門人也至正中謚

文安

許謙字益之金華人受業於仁山之門人稱白雲先生至

元三年卒謚文懿

皇明

薛瑄字德溫山西河津人仕至禮部侍郎直內閣其學主
於實踐不爲空言人稱薛夫子天順中謚文清
王文成守仁亦以理學從祀先聖然謚以事功不專
以理學故第列於名臣謚中

續文獻通考卷之一百五十一終

續文獻通考卷之一百五十二

皇明進士雲間王圻纂輯

謚法考 隱逸謚至夷狄謚

隱逸謚

晉

范平錢唐人研窮文典治臨淮有異政太康中召不起卒

謚文正先生

張忠字巨和中山人永嘉之亂隱于泰山卒謚安道先生
郭荷字承休洛陽人明究經籍特善史書不應州郡之命
卒謚玄德先生

符秦 公孫永字子陽襄陽人好學恬靜隱於平郭卒謚

崇虛先生

梁

陶弘景秣陵人幼有養生之志掛冠辭祿號華陽隱居梁武晏聘不出畫二牛賦白雲詩見意卒賜謚貞白先生劉焯平原人儒業冠時梁武少常師之天監元年詔爲熾立碑謚貞簡先生

庾詵字彥寶新野人聰敏爲學爲人紀而不苟尋掩匿人過失微辟不起年七十八卒武帝謚貞節處士

北魏刁冲渤海徒安人有學行不仕卒謚忠亮先生

魏廣字懷素自陽人幼篤學通諸經大義後爲亂賊所害

興和二年謚貞烈先生

李謐趙郡人周覽百氏隱居不仕卒年三十二四門小學
博士孔燾等奏其學行詔曰謐屢辭徵辟志守冲素儒
隱之操深足嘉美可遠徬惠康近準玄晏謐曰貞靜處
士并表其間以旌高節

唐 司馬承禎字子微洛州溫人
事潘師正得辟穀道引
術往廬天台不出睿宗召問其術答曰爲道在日損損
之又損以至於無夫心目所知見每損之尚不能已况
攻異端而增智慮哉帝曰治身則爾治國若何答曰國
猶身也遊心于淡合氣于漠與物自然而天下治帝嗟
嘆曰廣成之言也開元中再被召至都玄宗詔于王屋
山置壇室以居年八十九卒謚貞一先生

宋

徐積山陽人以父名石遇石不踐母卒置靈几奉養如生
時有靈芝甘露之異爲楚州教授除宣德郎監中岳廟
卒賜謚節孝先生

陳樹直源人居華山雲臺觀宋太宗召入朝禮遇甚厚尋
放還山賜號希夷先生

葛書思江陰人爲泗州教授監新市鎮欲養父棄官不仕
卒贈朝奉郎特謚清孝

林逋杭州人結廬西湖孤山臨終有詩諷封禪之失卒謚
和靖先生

郭雍字子和居峽州放浪長楊谷門間賜號冲晦處士

何群字通夫西充人賜號安逸處士

章詹字隱之雙流人賜號冲退處士

高懌字文悅從种放受業寇準薦不起仁宗嘉其守賜號
安素處士

王庠榮州人孝宗賜號處士卒謚賢節

張舉字子厚常州人登進士甲科以無他兄弟獨養其親
范祖禹蘇軾薦之終不出崇寧四年卒謚正素先生

徐復字復之建州人精通樂器賜號冲晦處士

劉宰金壇人登進士第遷太常卿知寧國府皆不就理宗
嘉其節賜謚文清

元

李俊民澤州人棄官不仕隱于嵩山卒謚莊靖先生

揭來成曼碩之父以邃學篤行見推前輩卒謚貞文先生
梁陟良鄉人金進士入元以名儒徵領燕京編脩卒謚通
獻先生

韓性字明善紹興人博綜經史於儒先性理之說尤深探
其間域憲府嘗舉爲教官辭不受卒謚莊節先生

孟夢駒字長文黃巖人奉定時嘗爲本郡學錄以設策禦
寇衛鄉邦有功授宜興判官未受命而卒謚康靖先生
貞超然黃巖人精于易學自號壽雲謚康敏

杜英字文玉避地河南緱氏山中世祖嘗召見辭歸天曆
中贈資德大夫翰林學士上護軍追封魏國公謚文獻

黃鎮成邵武人年弱冠慨然以聖賢道學自任學者號曰存齋先生至正間以壽終謚貞文處士

胡炳文婺源人爲信州書院山長再調蘭溪州學正隱于雲峰山世號雲峰先生卒謚文通

歷代私謚

春秋

黔婁先生私謚康 初黔婁既卒曾子弔之曰先生之卒也何以爲謚其妻曰以康爲謚曾子曰先生在時食不克口衣不蓋形死則手足不斂旁無酒肉生不得其美死不得其榮何樂于此而謚爲康其妻曰昔先生君嘗授之以政以爲國相辭而不受是有餘貴也君嘗賜之

粟三千鍾辭而不受是有餘富也若先生者甘天下之
淡味安天下之卑位不戚戚于貧賤不欣欣于富貴求
仁而得仁求義而得義謚之曰康不亦宜乎曾子曰唯
斯人也而有斯婦

展禽私謚惠 初展禽既卒門人將誄之其妻曰將誄夫
子之德耶則不如妾知之深也乃誄曰夫子之不伐兮
夫子之不竭兮夫子之信誠而與人無害兮柔屈從俗
不彊察兮蒙耻救民德彌大兮雖遇三黜終不蔽兮豈
弟君子永無厲兮嗚呼惜哉乃下世兮庶幾遐年今遂
逝兮嗚呼哀哉魂神洩兮夫子之謚宜爲惠兮門人從
之以爲誄莫能竄一字

柳下惠爲魯大夫宜有公謚而謚乃出于其事豈三黜
後不在其位耶

漢

蔡稜卽邕之父陳留圉人清白有行私謚貞定

荀靖字叔慈潁川人淑子私謚玄行先生

夏恭字敬公梁國蒙人習韓詩孟氏易門徒千餘人卒私

謚宣明 子牙少習家學舉孝廉鄉人私謚文德

樓壽字元考南陽人州縣屢辟不應私謚玄儒先生

王懷常爲潁川太守卒私謚昭定先生

陳寔字仲弓潁川許人太丘長居鄉恂恂有禮教人化其

德私謚文範先生

朱頡南陽宛人暉之子有德行卒子穆與諸儒考依古誼

私謚貞宣先生

朱穆祿仕數十年蔬食布衣家無餘財蔡邕與門人共述

其行私謚文忠先生

張霸字伯饒成都人以學顯嘗爲會稽太守又爲侍中卒

後將作大匠翟酺等與門人私謚憲文

法真漢郿人爲關西大儒四徵不屈私謚玄德先生

楊厚字仲桓廣漢新都人順帝時拜議郎後稱病教授門

人上名錄者至三十餘人卒後私謚文

范丹字史雲陳留人桓帝朝爲萊蕪長卒何進移書陳留

太守累行論謚私謚貞節先生

晉

宋纖字令艾燉煌人隱居不仕人稱爲人中龍年八十卒
私謚玄虛先生

索襲字偉祖燉煌人虛靖好學卒私謚玄居先生

陶潛字元亮柴桑人以曾祖晉世宰相耻復屈身後代爲
彭澤令即棄官歸卒于宋元嘉中私謚靖節先生

梁

劉峻字孝標平原人博通群書文藻秀出普通三年卒門
人私謚玄靖先生

劉歊字士元平原人隱居不仕親故誅其行跡私謚貞節
先生 劉計歊族弟祖孝標稱曰評超超越俗如半天

續文獻通考

卷之二百五

七

三

朱霞猷矯矯出塵如雲中白鶴宗人至友私謚玄貞處士

阮孝緒陳留人博極群書操履介潔梁天監末私謚文貞處士

蕭肅素南蘭陵人爲諸暨令到縣十餘日懸衣冠于縣門而去獨居屏事非親戚不得見私謚貞文先生

隋

劉焯少與劉炫爲友嘗以造偽書獲罪及卒門人私謚宣德先生

王通龍門人以孔子自擬門人私謚文中子

唐

楊播炎之父高蹈丘園卒私謚玄靖先生

元德秀字紫芝河南人貧而孝私謚文行先生

元延祖洛陽人避安祿山亂棄官不出私謚大節先生

陳融廣陵人不學不仕孝友化人貞元中私謚貞晦

方干字雄飛桐廬人隱居鏡湖長於詩翰私謚玄英

蕭穎士字茂挺梁鄱陽王恢七世孫樂聞人善推引後進

人號蕭夫子崔圓薦授揚州功曹參軍客死汝南門人

私謚文元先生

陸質一名淳字伯冲師事趙啖受春秋門人私謚文通

崔元翰日用從昆弟毋喪不仕隱白鹿之陽鄉人私謚貞

文孝父

徐師道字太真會稽人少有志行不干仕進裴行儉辟爲幕賓棄官歸隱私謚文行先生

孟郊字東野武康人登貞元間進士授溧陽尉後爲興元鎮趙餘慶參謀卒門人私謚貞曜先生

趙元字貞固河間人爲小邑令彈琴時藥如隱者操卒其友魏元忠孟銑宋之間崔璩等私謚昭夷先生

賈會京兆人有高節不答辟署里中號一龍親喪負土成墳又號關中魯子卒私謚廣孝徵君

朱仁軌字德容亳州永城人隱居養親孝感赤烏白鵲巢所居樹卒員半千魏元忠共私謚爲孝友先生

虞九臯字鳴鶴慈谿人登貞元間進士卒於京師一時名

派相與馬柳宗元謀之私謚曰恭肅

五代 宋榮義烏人周時鄉人私謚文通先生

宋

賈同字希德臨淄人天聖中累官殿中丞知棣州門人私謚存道先生

戚同文楚丘人隱居授徒門人私謚堅素先生

丁明金壇人閉門讀書手編事類百餘卷卒鄉里私謚博雅先生

蕭楚太和人紹聖間遊太學時蔡氏專國禁春秋學楚誓不復出仕著經辯四十九篇弟子百餘人趙賜馮澥胡銓皆師之自號三顧隱客既歿門人私謚清節先生

曾元忠永豐人大觀間登第累官廣州教授所著有春秋曆法論語解周易解等門人私謚文節先生

朱昂南陽人人目爲小萬卷不樂仕進景德中卒鄉人私謚正裕先生

劉蒙字子明渤海人以遺逸舉知潮陽時王安石創新法蒙與議不合條上其害投劾以去退居田里卒門人私謚正思先生

劉敞字原父袁州人慶曆中舉進士第一歐陽脩稱其博學及卒弟貢父私謚公是先生 劉攽字貢父敞之弟兄弟皆好諧謔素與王荊公善坐是相失卒弟子私謚公非先生

吳鉞龍泉人以行義見推康定中郡守孫沔奏以教授州學部使者薦於朝賜粟帛授將作監主簿卒門人私謚冲和先生

戚如琥字小白浙江金華人門人私謚貞白先生

楊滙成都人杜門著書人無知者邵伯溫爲部使者薦其學行甚高節甚苦不報卒學者私謚靜恭先生

朱牧字子文閩縣人第進士死難鄉人稱存以文鳴沒以節顯私謚文貞先生

林公遇字養正閩人性孝謹恬退薦辟不起研思道理深入趣與學者私謚文隱先生

褚承亮字茂先真定人宣和五年鄉試第一後爲幹離不

所拘策問非宋帝不對而出年七十終門人私謚玄貞先生

翟汝文字公異丹陽人紹興中爲叅政制誥古雅氣格渾厚近世罕及卒門人私謚忠惠

胡憲崇安人文定公姪朱文公嘗從受學人號籍溪先生卒門人私謚靖簡

林光朝字謙之莆田人登隆興進士官至中書舍人其學專心踐履不爲訓詁南渡後以伊洛之學倡東南與朱晦庵張南軒呂東萊陸象山俱以道學名卒私謚文節陳藻字元藻福清人家貧篤學得林光朝經學之傳景定間以門人林希逸請追贈進功郎私謚文遠先生

黃裕字公裕莆田人通經有名創義齋立五規沒後皇甫泌私謚之曰義成逸士

黃震字東發慈谿人度宗時進士有日抄百卷行世門人私謚文潔先生

陸正行浙江人門人私謚靖獻先生

鄭君老字邦壽長溪人登咸淳進士乞歸養親宋亡不仕學者私謚靖節先生

劉士英字冲發武康人通判太原金人大舉入寇與將官王稟堅守城中食盡士英死之時年四十五門人私謚爲安節先生

劉安世安福人舉進士知雩都縣有郡官求羨餘遂不仕

遠近受業者踵至楊萬里從而師之安世沒萬里爲制服及葬門人私謚清純先生

饒魯餘千人幼從黃幹游學術精明累薦不起號雙峰卒門人私謚文元先生

徐應鑾江山人德祐時爲太學生元兵入携子女同死于尊經閣下同舍生私謚正節先生時有閩人衛富益亦私謚正節先生

劉愚字必明龍游人弱冠入太學有聲釋褐調江陵教授受業者甚衆後棄官歸家丞相余端禮挽之不顧著書自姑門人私謚謙靖先生

元

李友端鄧州人隱居不仕訓誨子弟從者甚衆門人私謚

貞隱先生

徐俊德清人至元中累徵不起卒門人私謚安節先生

吳萊浦江人門人私謚淵穎先生

聞人夢吉金華人隱居自樂門人宋濂吳履仁輩私謚凝

熙先生

宇文公諒字子貞吳興人通經史百家言弱冠有操行常

官嶺南以疾請老檢飭甚嚴門人私謚純節先生

陳忠寧晉人陳祐祖博究經史鄉黨皆尊師之既沒門人

私謚茂行先生

第五居仁字士安博通經史躬率子弟致力農畝鄉里高

其行義率多化服門人私謚靜安先生

何中字太虛樂安人聚書萬卷手自校讐徵辟皆不就隱于紫霞山中士人私謚貞白先生

危復之字見心撫州樂安人博覽群書好讀易尤攻詩徵聘皆不就至元時隱于紫霞山私謚貞白先生

劉德淵字道濟襄國內丘人至元中私謚卓行先生

顧權字用衡崑山人博通群典遭時多艱隱居不仕爲鄉校師門人私謚靖夷先生

杜瓊字用嘉吳縣人性至孝博綜古今徵召皆不就學者稱東原先生私謚淵孝先生

皇明

蕭尚仁江西泰和人洪武中以賢良召卒門人私謚貞固先生

胡榮字希華湯溪人居家孝友門人私謚文莊先生

王稔義烏人王文忠禕之孫至孝有學靖難後門人私謚孝莊先生

馬濂字原清東陽人仕至山西憲副鄉人私謚孝廉先生
鄭洧浦陽人嘗代兄濂死私謚貞義處士兄淵私謚貞孝處士

陳廸字景道宣城人建文朝爲禮部尚書死于靖難時
郡人私謚靖獻先生

卓敬浙江瑞安人革除中戶部侍郎嘗密奏裁抑宗藩

宋樂中論死宣德中劉球作傳私謚忠貞

王賓字用賓鄆人洪武六年舉茂才以母老不赴後以文學薦授休寧教諭秩滿考績廷試鍾山雨霽及鰲鶴兩賦上奇之命供奉翰林以老辭教授潯郡卒門人私謚清節先生

劉履字坦之沛郡人後徙金華劉忠公漢弼玄孫洪武中私謚貞恭先生

龔翊字大章崑山人年十七爲金川門卒靖難兵入大勸還鄉里巡撫周忱薦爲崑山太倉學官辭不就曰恐負城門一慟耳既卒門人私謚安節先生

張璠字仲圭別號定菴華亭人起家山東黃縣訓導後以

子貴封都御史贈尚書有賢行學者私謚貞孝先生

秦旭景字暘父無錫人嘗讀論語至君子脩己以敬曰此萬金良藥也凡行已接物一以是爲準及卒友人李舜民等私謚貞靖先生

李年字成之號一樗元木華黎之後祖可禮改今姓領江浙行省解首司訓華亭因家焉嗜古篤學以德行文章表於邑里卒門人私謚貞靖先生

陸震字汝亨金華人正德中進士歷官兵部以諫南巡杖死贈太常少卿門人私謚忠定先生

何震字汝元華亭人以春秋教授生徒德行聞於督學使者官敎諭卒嘉靖中有司立祠祀之私謚孝康先生

馮海華亭人性至孝母浦氏寢疾累月每夜叩斗求代母幸差而身以勞斃里人私謚苦孝先生

杜瓊字用嘉吳人篤孝淳德刲股愈母疾有司屢薦輒辭年八十餘卒門人私謚爲淵孝先生

顏鯨字應雷慈谿人嘉靖丙辰進士官行太僕嘗講學於慈湖書院啓迪後進鄉人立懷德祠祀之私謚正道先生

王問字子裕別號仲山無錫人嘉靖戊戌進士官廣東按察司僉事退居湖上以詩文翰墨自娛四方學者爭事之教人以立身行己爲先忠孝爲本所著仲山詩選祇役稿原筮齋集崇文稿若干卷門人私謚文靜先生

張緒字文倫別號甌山漢陽人以毛詩舉楚第三人累官
南京吏部員外郎嘉靖末奉 大行詔恸哭失聲一時
姍以爲迂因棄官歸與大司徒耿先生講學天窩山廼
誨後學家徒四壁不問友人私謚介肅先生

歷代婦人謚

魯 顏無繇妻齊姜氏元文宗至順三年封杞國夫人謚
端憲

顏子妻宋戴氏至順三年封兗國夫人謚貞素

大夫穆伯妻於菟謚戴曰戴已其姊謚潒爲聲已

大夫妻妾有謚始見此

晉 大夫趙莊子娶公女謚莊姬

鄒 孟子母元至順三年封聊國夫人謚宣獻

西漢 上官安妻霍氏昭帝后母謚敬

王適始妻博平君宣帝外祖母謚昭成

後漢 鄧太后母新野君謚敬

晉

文明皇太后母羊氏平陽君謚靖

景獻后母蔡氏濟陽縣君即邑女文姬謚穆

虞渾母孫氏權族孫女蘇峻之亂質所服環佩以充軍資

又遣其子楚與王允之合勢討峻成帝賢之卒遣使弔

祭謚定

桓溫母孔氏贈臨賀太夫人謚敬

賈充妻宜城君郭氏惠帝后母謚宣

陝婦人不知其氏廢居守節事叔姑甚謹叔姑女誣殺其母有司不能察戮之經歲不雨劉曜遣呼延謨爲太守廉其冤斬誣者祭以太牢謚貞孝烈婦

南齊 高帝外祖母胡氏永昌縣君謚靖

梁 王僧辯母魏氏謚貞敬

追封吳郡嘉興縣君許氏陳高祖霸先之祖母敬帝太平二年追謚敬

陳 世祖文皇帝后母綏安縣君沈法深之妻天嘉初追謚宣

駱文牙母凌氏文帝永定三年贈常安國太夫人謚恭

初陳文帝避地臨安文牙母知非常人賓待甚厚故加贈謚

北魏 文成帝保母常氏尊爲皇太后謚昭

胡 靈皇后母太上君皇甫氏謚孝穆

河間公元丕妻段氏靈太后時謚恭

任城康王元雲妃謚烈懿 任城王澄遭太妃憂臣寮立

碑頌題碑欲云康王元妃之碑澄訪於張普惠普惠荅

曰謹尋朝典但有王妃而無元字魯夫人孟子稱元妃

者欲下與繼室聲子相對今烈懿太妃作配先王更無

聲子仲子之嫌竊謂不假元字以別名位且以氏配姓

愚以爲在生之稱故春秋夫人姜氏至自齊既葬以謚

配姓故經書葬我小君文姜又曰來歸夫人成風之祔
皆以謚配姓古者婦人從夫謚今烈懿太妃德冠一世
故特蒙褒錫乃萬代之高事豈容於定名之重而不稱
烈懿乎從之

高平公李順妻謚孝

盧元禮妻李氏性至孝父卒號慟幾絕者數四母卒馳驅
奔喪號慟而卒謚貞孝女宗

北齊 趙郡王高琛妃謚貞昭

陳元康後母李氏以元康卒哀戚發病而終贈廣宗郡君
謚貞昭

隋 馮寶妻譙國夫人洗氏盡忠貞於累朝仁壽初謚誠

敬

唐上官昭容母鄭氏謚節義夫人

唐彥昭女姝姝德宗時謚愍女七歲李納屠其家母憐其幼請免死爲婢女不肯問父所在西向哭再拜死

宋池州通判趙昂發妻雍氏與夫同死節謚順義夫人

金

同州婦師氏夫亡孝養舅姑舅姑既沒兄師達與姪規其財產僞爲媒聘致之官官不辨師投縣署井中死明昌三年詔有司祭其墓謚節

監察御史李英妻張氏居濰州貞祐元年元兵取濰州謂張汝品官妻當復爲夫人張曰我爲李氏鬼耳遂殺之

追封隴西郡夫人謚莊潔

許古妻劉氏定海軍節度仲洙之女貞祐初僑居蒲城元
兵圍蒲時古仕於朝劉與二女相繼死追封爲郡君謚
貞潔長女謚定姜次女謚肅姜

相琪妻樂氏有姿色貞祐三年紅襖賊陷掖縣琪與樂及
子俱爲賊所得賊殺琪與子而誘樂氏樂氏奮罵賊怒
殺之封西河縣君謚莊潔

王維翰妻姚氏與夫同死於定海軍贈芮國夫人謚貞潔
元 買哥妻移刺氏買哥死氏哀毀亦死世祖特謚貞靜
闕文興妻王氏與夫同死於漳州至順三年謚貞烈夫人
王時妻安氏磁州人名正同時以叅知政事分省太原安

氏從之賊陷太原安與妾李氏同赴井死贈安氏梁國夫人謚莊潔

皇明

故元太尉平章政事 本朝中書平章政事李思齊妻鄭氏夫卒自縊洪武中追贈淑人謚貞烈

安陸侯吳復妾楊氏宣德中贈淑人謚貞烈

陝西指揮使王倖妾時氏贈淑人宣德中謚忠烈 倖方戰歿時年二十八自以身殉

衛聖保母尹氏宣德中謚惠靖

佑聖保母張氏正統中謚恭靖

輔聖夫人蘭氏天順中謚莊懿

輔聖夫人魏氏成化中謚恭和

佑聖夫人張氏成化中謚莊靖

榮聖夫人申氏弘治中謚榮和

保聖夫人孫氏嘉靖中謚榮和 五夫人俱保母

歷代婦人私謚

唐 巢刺王乳媼陳善意私謚慈訓 初刺王之生也太

穆后惡其貌不舉善意私乳之後刺王好與奴客諸妾

被甲習戰因中創善意以爲言刺王怒命壯士拉殺之

而加謚

皇明

閩縣林參政允中女名萊許字長樂陳中丞省于長源早

卒林絕食死殉邦人謚曰貞女

鄞縣楊孟惠女甫八歲許字俞氏子未幾俞氏子卒請以仲繼楊氏父母許之女邑邑不樂比請婚期以死自誓父母不之強遂守一閤絕不與家人相通年六十四卒楊氏私謚爲守貞娘子

異代追謚

虞 咎繇唐天寶二年追號德明皇帝

周

上御大夫李敏老子之父天寶二年追號先天太皇

比干貞觀十九年謚忠烈元至元二年追封仁顯忠烈公
箕子先至元六年追封仁獻公

周文王武后謚爲文皇帝號始祖 妣妣氏謚文定皇后
平王少子武武后推爲四十世祖謚爲康皇帝號睿祖妣
姜氏謚康惠皇后

漢 榮澤侯紀信 本朝賜謚忠烈

唐

杜甫字子美襄陽人官拾遺元至元二年追謚文貞

劉蕡唐昌平人元至正十七年追謚文節

鄧文進始興人官韶州刺史累立戰功廟食樂昌 本朝

賜謚忠襄

宋

譚必宋樂昌人官邕州推官贈金紫光祿大夫 本朝賜

謚忠愍

朱松徽州婺源人朱子之父至正二十二年謚獻靖

文天祥廬陵人官少保封信國公 本朝賜謚忠節

文文山戮柴市時天地晝暝不辨人色官中皆秉燭行
群臣入朝亦執炬元世祖大悔贈公特進金紫光祿大
夫太保中書平章事廬陵郡公謚忠武命王積翁書神
主祀于柴市丞相孛羅行真忽狂風大作捲王直入雲
霄雷鳴如怨叫聲乃改書前少保右丞相信國公天遂
開霽始知公英靈不肯受元謚贈官爵

謝枋得信州人官江西招諭使知信州 本朝賜謚文節

宦者謚

前漢 許廣漢昌邑人少時爲昌邑王郎從武帝上甘泉
誤取他郎鞍以被其馬發覺下蠶室後爲宦者永宣帝
以其女爲后封平恩侯薨謚戴

後漢 浮陽侯孫程謚剛

北魏

仇洛齊中山人本姓侯氏生而無陰舅氏仇高養爲已子
後入官以平涼功超遷散騎常侍加中書令進爵零陵
公又拜侍中冀州刺史內都大官卒謚康

趙默字文靜涼州隸戶涼州平入爲奄人恭謹小心賜爵
關內侯累官鎮南大將軍儀同三司定州刺史進爵爲
王後卒于冀州刺史追贈司空謚康

王琚太原人泰恒中被刑入官歷位冀州刺史爵高平王
卒年九十謚靖

張祐字安福安定人坐事充腐刑累官尚書左僕射新平
王卒贈司空謚恭

成軌字共義上谷居庸人少以腐刑入官後以光祿大夫
進爵爲侯卒于衛將軍贈雍州刺史謚孝惠

封津字醜漢北海修人以外祖連罪受刑給事官掖累官
侍中大長秋卿開府儀同三司薨贈司徒冀州刺史謚
孝惠

張宗之字益宗河南鞏人初父孟舒爲宗文邑逼之反文
邑敗宗之被執充腐刑以忠厚謹慎擢爲侍御中散累

官至散騎常侍鎮東將軍冀州刺史爵彭城郡侯太和二十年卒贈建節將軍懷州刺史謚敬

封磨奴字君明勃海蓆人以崔浩故刑爲宦者後卒于懷州刺史贈勃海公謚定

秦松不知其所由宣武時領長秋卿出爲散騎常侍安北將軍并州刺史爵高都子卒贈大將軍肆州刺史謚定

唐

楊復光閩人與忠武節度周岌定誓斬賊位開府儀同三司同華制置使弘農郡公又賜號資忠輝武匡國平難功臣謚忠肅

李輔國幼以閹人入侍肅宗擅權自恣代宗令人刺殺之

謚醜

張承業字繼元唐僖宗宦者朱溫篡唐承業以興復望莊宗及莊宗即帝位非其心因不食卒同光元年贈左武衛上將軍謚正憲

宋

劉承規字大方楚州山陽人太宗時官檢校太傅左驍衛上將軍安遠軍節度觀察留後卒贈左衛上將軍鎮江軍節度使謚忠肅

藍繼宗字承祖廣州南海人年十二從劉鋹歸朝以景福殿使邕州觀察使歷事四朝家居卒仁宗贈安德軍節度使謚僖靖

張惟吉字祐之開封人仁宗時爲果州團練使領皇城司
張貴妃薨治喪鳳儀殿宰相不能執禮深以爲非卒後
贈保順軍節度使謚忠安

石全彬真定人仁宗時以破儂智高功累遷福延官使提
點奉先院卒贈太尉定武軍節度使謚恭僖

盧守勲字君錫開封祥符人仁宗時以左衛大將軍致仕
卒贈保順軍節度使謚安恪

李憲字子範開封祥符人哲宗初年貶右千牛衛將軍分
司南京卒紹聖中贈武泰軍節度使初謚愷恪後改忠
敏

宋用臣字正卿開封人徽宗時爲永泰陵修奉鈐轄卒贈

安化軍節度使謚僖敏

李舜舉字公輔開封人仁宗時爲嘉州團練使卒贈昭信軍節度使謚忠敏

梁從吉字君祐開封人仕至永州團練使爲副都知元祐中卒贈成德軍節度使謚敏恪

馮世寧字靜之政和初以內客省使彰化軍留後致仕卒贈開封儀同三司謚恭節

蘇利涉字公濟慶曆中以衛士之變衛護有勞累轉海州團練使卒贈奉國節度使謚勤僖

康履爲康王府都監死于苗劉之變劉誅贈官謚榮節
藍安石高宗時爲內侍省副都知至湖州觀察使卒贈保

宰軍節度使謚良恪

渡江後中官贈謚自安石始

康誥高宗時爲內侍省押班累官至均州觀察使卒贈保
信軍節度使謚忠定

釋家謚

梁 寶誌金陵人天監十三年終元天曆中累加謚號道
林慧滅直覺慈應普濟禪師

元魏 法果名僧也卒後太祖贈老壽將軍謚趙胡靈公
此僧賜謚之始

菩提達摩南天竺國香至王第三子自西域至中國止嵩
山傳教爲初祖卒于莊帝永安元年唐代宗追謚圓覺

大師

隋 慧可武牢人姓姬氏爲禪家二祖文帝開皇中卒唐
德宗貞元十四年追謚太祖大師

僧燦爲禪家三祖煬中大業中卒唐玄宗追謚鑑智禪師
唐

道信蘄州人姓司馬氏爲禪家四祖太宗時卒代宗追謚
大醫禪師

弘忍黃梅人爲禪家五祖卒于上元二年代宗追謚大滿
禪師

南宗慧能新州人爲禪家六祖卒於先天二年憲宗追謚
大鑒禪師

北宗神秀開封人姓李氏神龍中謚大通禪師

南山律師道宣乾封二年卒懿宗時謚澄照

司空山本淨絳州人姓張氏上元中謚大曉禪師

三藏菩提流志南印土國王子讓位出家卒年一百五

十有六玄宗賜謚曰開元一切徧知三藏

京兆府興善寺胡僧不空大曆十年賜開府儀同三司司

空爵肅國公謚大辯正覺廣智三藏和尚

一行張公謹孫開元中卒謚大慧禪師

三藏金剛智西域人開元中謚灌頂國師

南陽慧忠諸暨人姓冉氏大曆中謚大證禪師

杭州徑山寺僧法欽貞元九年謚大覺禪師

南岳石頭希遷高安陳氏子德宗賜謚無際大師

號州閔鄉縣龍興寺阿足師宜貞元十二年謚大圓禪師

江西馬道一漢州人元和中謚大寂禪師

洪州百丈山懷海長樂人姓王氏元和中謚大智禪師

杭州鹽官海昌院齊安海門人姓李氏謚悟空禪師

一宿覺瑞安人契曹溪六祖道賜謚無相大師

廬山歸宗寺智藏與懷海齊安同師謚至貞禪師

幽州盤山寶積亦與懷海齊安同師謚凝寂大師

京兆府章敬寺懷暉泉州謝氏子元和中謚大覺禪師

京兆府興善寺惟寬衢州祝氏子元和中謚大徹禪師

信州戴湖大義姓徐氏元和中謚慧覺禪師

處州西堂智藏處化廖氏子憲宗謚大宣教禪師穆宗重謚大覺禪師

汾陽無業憲穆兩朝三召不起謚大達禪師

湖州東寺如會曲江人長慶中謚傳明大師

汾州無業上洛杜氏子長慶三年謚大覺禪師

鄆州丹霞天然長慶中卒寶曆中謚智通禪師

河中南際山僧乙長慶時謚本淨大師

豐州藥山惟儼絳州韓氏子文宗時謚弘道大師

潤州岳林寺玄素文宗太和二年謚大律禪師

潭州道吾山圓智豫章海昏人姓張氏太和九年謚修一

禪師

左街僧錄內供奉三教設論引駕大德安國寺上座端甫
秦人姓趙氏文宗開成元年賜謚大達法師

潭州雲巖曇晟建昌王氏子會昌中謚無住大師

終南山圭峰宗密果州西充人姓何氏會昌中謚定慧禪
師

洪州黃蘗山希運閩人大中時謚斷際禪師

潭州瀉山靈祐長谿趙氏子大中七年謚大圓禪師

杭州徑山鑒宗湖州錢氏子咸通中謚無上大師

福州龜山正元宣州蔡氏子咸通中謚性空大師

福州龜山智具揚州人姓柳氏咸通中謚歸寂禪師

福州芙蓉山靈訓與鑒宗同法嗣謚弘照大師

鼎州德山宣鑒簡州周氏子咸通六年謚兄性禪師

鎮州臨濟義玄南華縣邢氏子咸通八年謚慧照禪師

瑞州洞山良价會稽俞氏子咸通十年謚悟本禪師

福州長慶寺大安福州人姓陳氏中和時謚圓智禪師

杭州大慈山寰中蒲坂人姓盧氏僖宗時謚性空大師

吉州青原山淨居寺行思吉州劉氏子僖宗時謚弘濟禪

師

潭州石霜山慶諸新淦陳氏子僖宗時謚普惠大師

澧州夾山善會廣州廖氏子中和中謚傳明大師

邵武軍龍湖普聞僖宗太子謚員覺大師

鄂州巖頭全齋泉州何氏子光啟三年謚清嚴禪師

洪州上藍令超大順中謚元貞禪師

趙州觀音院從諗趙州郝鄉人姓郝氏乾寧中謚真際大師

洪州雲居道膺王田王氏子天復元年謚弘覺禪師

撫州曹山本寂莆田黃氏子天復中謚元證禪師

鄂州清平安樂縣令遵東平人天祐中謚法喜禪師

福州覆船山洪荐石霜法嗣謚紹隆大師

河中府棲巖山木通院存壽石霜法嗣謚圓寂禪師

台州瑞巖師彥闡之許氏子叡禪師法嗣謚空照禪師

鄧州香巖智閑青州人馮山法嗣謚襲燈禪師

瑞州九峰道虔福州人石霜法嗣謚大覺禪師

袁州仰山慧寂懷化葉氏子南岳下四世法嗣謚智通禪師

襄州延慶山法端南岳下四世法嗣謚紹真禪師

五代

舒州投子山大同舒州劉氏子梁乾化四年謚慈濟大師
洛州韶山寂普謚無畏禪師

京師華嚴寺休靜唐莊宗時謚寶智禪師

益州北院通禪師與休靜同為青原下五世法嗣謚證貞
禪師

魏府興化存獎南岳下五世法嗣唐莊宗時謚廣濟禪師
五臺山三子寺廣法大師誠惠唐明宗謚為法雨大師

河中棲巖寺弘福院僧會舉請其師謚明宗詔謚真寂大師失其名

京兆永安縣善靜京兆王氏子晉開運中謚靜悟禪師

袁州木平山善道謚貞寂禪師

金陵清涼縣文益餘杭李氏子周顯德五年謚大法眼禪師李後主再謚大智藏大法師

宋

吉州禾山無殷福州吳氏子建隆中謚法性禪師

韶州雲門山光奉院文偃嘉興張氏子乾德七年卒太宗

謚大慈雲匡真弘明禪師

匡一作康

廬山圓通寺緣德臨安黃氏子太平興國二年謚道濟禪

師

南安嚴尊者自嚴姓陳氏泉州同安人淳化辛卯謚定光
圓應禪師

智圓法師錢塘徐氏子居西湖孤山乾興元年徽宗賜謚
法惠大師

隆興府黃龍寺慧南信州章氏子熙寧中謚並覺禪師

隆興府黃龍寺相心南雄鄔氏子謚寶覺禪師

隆興府兜率寺從悅贛州熊氏子元祐六年謚具寂禪師

越州天衣寺義懷樂清陳氏子青原下十世法嗣崇寧中

謚振宗禪師

明州育王山佛智端裕吳越王裔紹興中謚大悟禪師

續文獻通考

卷之百五十一

二天

三夏高

具州長蘆真歇清了左綿雍氏子紹興時謚悟空禪師

明州天童正覺隰州李氏子紹興時謚宏智禪師

成都路明覺寺克勤佛果彭州駱氏子紹興五年謚真覺

禪師

臨安府徑山寶印禪師嘉州李氏子紹熙中謚慈辯禪師
臨安府徑山宗杲大慧宣城吳氏子隆興中謚普覺禪師
金海慧名僧也皇統五年特謚佛覺佑國大禪師

元

慶壽海雲大士印簡山西寧遠人姓宋氏憲宗時謚佛日

圓明大師

杭州中峰和尚名明本杭州人文宗時賜謚智覺禪師

道家謚

周 老子楚人姓李名耳字伯陽謚聃唐高宗乾封元年
追號太上元皇帝玄宗天寶二年加號大聖祖許慎云
聃

唐

潘師正居逍遙谷高宗幸東都召問所須對曰清泉茂松
臣所須也詔即其居作崇虛觀卒謚體玄先生

明宗儼偃師人能召鬼神有神術後爲盜所刺高宗贈侍
中謚壯

王知遠系出瑯琊學道術高宗謚升真先生武后時復改
升玄

吳筠字貞節華陰人弟子謚宗玄先生

李含光好黃老道家術棄人間事崇虛脩具卒玄宗賜謚
玄靜

元 張留孫字師漢貴溪人少時入龍虎山爲道士累朝
進封開府儀同三司加號輔成贊化保運玄教大宗師
至治元年卒天曆初追謚道祖神應真君

皇明

致一真人禮部尚書贈少師邵元節龍虎山上清宮道士
貴溪人嘉靖年謚文康榮靖隆慶初追奪

陶仲文湖廣黃岡人以吏員爲遼海庫大使邵元節且老
薦于 世宗徒以符呪小方稱 上意遂登極品膺異

典卒謚榮康惠肅

按邵元節亦以具人官宗伯洎死賜謚內閣擬二字者
二 御批俱用後仲文亦用邵例至隆慶初追奪

夷狄謚

漢南粵王胡武帝時謚文 胡子次公謚明

莎車王賢元帝時謚忠武 建功懷德王康賢之子建武

五年謚宣成

元魏道武時高卑斛律部帥侯利謚忠壯

大陽蠻酋桓誕孝文帝時謚剛

誕玄之子也玄敗時年數歲流寓大陽蠻中及長多智
謀爲群蠻所歸遂爲蠻王

唐突厥頡利貞觀八年死贈歸義王謚荒

勃海國王祚榮開元七年死私謚高 祚榮子武藝謚武

武藝子欽茂謚文 欽茂少子嵩鄰謚康 欽茂孫

華璵謚成 嵩鄰子元瑜謚定 元瑜弟言藝謚僖

言藝弟明忠謚簡 明忠從父仁秀謚宣

南詔酋龍僞謚景莊皇帝 龍子法僞謚聖明文武皇帝

鄭買嗣唐鄭回之後昭宗光化五年滅蒙氏自立建國號

曰大長和僞謚德桓皇帝 買嗣子旻僞謚肅文皇帝

段思平武威郡人初鄭氏奪於楊氏已楊氏又奪於段氏

建國號曰大理僞謚太祖皇帝 思平子思英僞謚文

經武略皇帝 思英叔思良僞謚應道皇帝 思良子

素英僞謚明皇帝 素英弟素廉僞謚敬明皇帝 素
隆後避位爲僧僞謚秉義皇帝 素貞僞謚聖德皇帝
思廉僞謚世宗皇帝

段氏之裔段正淳立十三年避位爲僧僞謚中宗皇帝

正淳子正嚴立四十年避位爲僧僞謚憲宗皇帝 正

嚴子正與避位爲僧僞謚景宗皇帝 正興子智興僞

謚宣宗皇帝 智興子智運僞謚享天皇帝 智連弟

智祥僞謚神宗皇帝 智祥子祥興僞謚孝義皇帝

初素貞傳素興國人廢興而立思廉思廉死復爲楊義

貞所篡段氏中絕有臣高智昇遣子昇泰滅義貞而立

段壽輝壽輝後避位爲僧國人乃奉昇泰爲王改國號

大中尋欲續段氏後故正淳得立段氏再興傳至七世
祥興始亡於元

元金紫光祿大夫儀同三司安南國王陳益稷至順元年
謚忠懿

皇明

蘇祿國東王巴都葛叭答刺永樂年謚恭定

朝鮮國王李芳遠永樂年謚恭定 權署國事李暉永樂

年謚恭靖 國王李旦永樂年謚康獻 國王李珣景

泰年謚恭順 國王李柎景泰年謚莊憲 世子李暉

成化中封爲本國王謚懷簡 國王李瑒成化年謚惠

莊 國王李暉成化年謚襄悼 國王李瑄弘治年謚

康靖 國王李澤嘉靖年謚恭僖 國王李岵嘉靖年
謚榮靖 國王李岵隆慶年謚恭憲

按國初高麗王王顥謚恭愍事在李旦之前

淳泥國王麻邪惹加那乃永樂年謚恭順

日本國王源道義永樂年謚恭獻

古麻剌朗國王幹刺義亦敦永樂中謚康靖

哇來頓本古麻剌國王永樂年謚康靖

續文獻通考卷之一百五十二終